

## **Tsonga - Moya Nyimpi Matsalwa - SW Intro Scriptures**

**Luka 17:5 Vaapostola va ku ka Hosi: "Hi engetelele ku pfumela."**

**VaRhoma 10:17 Hikokwalaho ke, ku pfumela ku ta hi ku twa, ni ku twa  
ku ta hi ku byeriwa rito ra Kriste.**

**Luka 11:1 Yesu a a khongela exivandleni xin'wana; loko a hetile,  
un'wana wa vadyondzisiwa va yena a ku ka yena: "Hosi, hi  
dyondzise ku khongela, hikuva Yohane na yena ú dyondzisile  
vadyondzisiwa va yena."**

**1 Timotiya 2:1-4 Loko swi ri tano, xo sungula, ndzi navela hi matimba  
leswaku ku kombela, ni ku khongela, ni ku khongelela, ni ku  
nkhensa, swi endleriwa vanhu hinkwavo, 2 swi endleriwa ni tihosi,  
ni hinkwavo lava nge switshan'wini swa le henhla, leswaku hi kota  
ku hanya vutomi bya ku rhula ni ku tsaka, lebyi nga bya vukhongeri  
ni lebyi chavisekaka hi matlheloo hinkwawo. 3 Leswi i swinene, swa  
amukeleka emahlweni ka Xikwembu muponisi wa hina, 4 lex  
navelaka leswaku vanhu hinkwavo va ponisiwa, va fika laha va  
kotaka ku tiva leswi swi nga ntiyiso.**

**Zakariya 3:1,2 HOSI Xikwembu xi ndzi komba Yoxuwa muprista lonkulu  
a yimile emahlweni ka ntsumi ya xona, xi ndzi komba na Sathana  
loyi a a yimile hi tlheloo ra xinene ra Yoxuwa, a tiyimisela ku n'wi  
mangalela. 2 Kutani ntsumi ya HOSI Xikwembu yi ku ka Sathana:  
"We Sathana, HOSI Xikwembu lexhi hlawuleke Yerusalem, a xi ku  
laye xi ku pfala nomo. Xana Yoxuwa a nga fani ni rihunyi leri  
susiveke endzilweni xana?"**

**VaEfesa 6:12 Hikuva a hi lwi ni vanhu va misava ley, kambe hi lwa ni  
mimoya leyo biha ley nge henhla emimpfukeni: Hi lwa ni tindhuna,  
ni vafumi, ni tihosi leti fumaka ta nguva ley ya munyama.**

**VaEfesa 6:10,11 Eku heteleleni, ndzi ri, tiyani swinene, mi namarhela  
Hosi, mi tiseketela hi ntamu wa yona lowu nga tsandziwiki ha  
nchumu. 11 Havaxelani swisirhelelo ni matlhari hinkwawo lawa  
Xikwembu xi mi nyikaka wona, leswaku mi ta kota ku yima mi lwa ni  
mano layo biha ya Diyavulosi.**

**VaEfesa 6:13-17 Hikokwalaho hlomani swisirhelelo ni matlhari  
hinkwawo ya Xikwembu wa ha ri nkarhi, leswaku mi ta kota ku**

**tilwela hi siku ra khombo; kutani loko mi ta va mi lwile ku ya fika makumu, mi ta tikuma ma ha tiyile. 14 Loko swi ri tano, tshamani mi tilulamisile. Tikhameni hi ntiyiso wu va vamba ra n'wina. Ambalani ku lulama xi va xisirhelelo xa n'wina xa le xifuveni, 15 ni ku hisekela ku twarisa Evhangeli ya ku rhula ti va tintanghu ta n'wina. 16 Minkarhi hinkwayo, rhwalani ku pfumela, xi va xitlhangu xa n'wina, kutani mi ta kota ku timela ha xona miseve hinkwayo leyi pfurhaka ya nyavuntswaka. 17 Amukelani ku ponisiwa, xi va xihuku xa n'wina xa le nhlokweni, kutani Rito ra Xikwembu ri va fumu ra n'wina leri Moya wu mi nyikaka rona.**

**VaHeveru 4:12 Hikuva Rito ra Xikwembu ra hanya, naswona ra tirha, ri kariha ku tlula tlhari rin'wana ni rin'wana leri lotiweke matlhelo mambirhi, ri tlhava ku ya fika emahlanganeni ya hika ni moyo, ni ya marhambu ni mongo, ri kota ku hlaya mianakanyo ni makungu ya mbilu.**

**Luka 4:8 Yesu a n'wi hlamula, a ku: "Ku tsariwile va te: " 'U ta nkhinsamela Hosi, Xikwembu xa wena, u gandzela xona ntsena.' "**

**VaEfesa 6:18 Endlani hinkwaswo leswi hi ku khongela, mi kombela ku pfuniwa hi Xikwembu; khongelani minkarhi hinkwayo hilaha Moya wu mi letelaka hakona. Hikokwalaho, tshamani mi hitekile, mi nga karhali ku khongelela vahlawuriwa va Xikwembu hinkwavo.**

**1 Samiele 17:45-47 Davhida a hlamula Mufilista a ku: "U ndzi tela u khomile banga, ni tlhari lerikulu, ni leritsongo, kambe mina ndzi ta eka wena hi vito ra HOSI ya matimba hinkwawo, Xikwembu xa mavuthu ya Israele lawa u ma pfukeke. 46 Namuntlha HOSI Xikwembu xi ta ku nyiketa emavokweni ya mina. Ndzi ta ku ba, u wela hansi, kutani ndzi ta tsema nhloko ya wena. Namuntlha ndzi ta nyiketa mintsumbu ya mavuthu ya Vafilista eka makoti ni swivandzana. Hikona misava hinkwayo yi nga ta tiva leswaku, etikweni ra Israele, Xikwembu xi kona! 47 Naswona vanhu lava hlengeletaneke laha, va ta swi tiva leswaku HOSI Xikwembu a xi kali xi lava banga kumbe tlhari ku lamulela tiko ra xona. HOSI Xikwembu xi ta mi nyiketa emavokweni ya hina, hikuva enyimpini leyi, xi yima na hina."**

**Luka 10:17-20 Lava 70 va vuya hi ku tsaka, va ku: "Hosi, na wona mademona ma hi yingisa, loko hi tirhisa vito ra wena." 18 Yesu a ku ka vona: "Ndzi vonile Sathana, a wa hi le tilweni tanahi rihat. 19**

**Vonani, ndzi mi nyika matimba ya ku kandziyela tinyoka ni swipame, ni ya ku hlula ntamu hinkwawo wa Nala; kutani a ku na nchumu lowu nga ta mi vavisa. 20 Hambiswiritano, mi nga tsaki hi leswi mimoya yi mi yingisaka; kambe tsakani hi leswi mavito ya n'wina ma tsariweke etilweni.”**

**2 VaKorinto 10:3-5 Hakunene hi hanya kwala misaveni, kambe nyimpi leyi hi yi Iwaka a hi yo Iwela swa misava. 4 Hikuva matlhari lawa hi Iwaka ha wona, a hi lama tirhisiwaka hi vanhu, kambe hi matimba ya Xikwembu ma ni ntamu wo hirimuxa makhokholo. Hi hlanhla makungu ya vunwa, 5 hi mbundzumuxa ni swihingakanyo hinkwaswo swa lava tikurisaka, va sivela vanhu ku tiva Xikwembu. Hi koka mianakanyo hinkwayo hi yi endla leswaku yi yingisa Kriste.**

**2 Timotiya 1:7 Hikuva Xikwembu a xi hi nyikanga moya wa vutoya, kambe xi hi nyikile moya wa matimba, ni wa rirhandzu, ni wa ku tikhoma.**

**Matewu 12:28,29 Kambe loko ndzi hlongola mademona hi Moya wa Xikwembu, swi vula leswaku Mfumo wa Xikwembu wu tile eka n'wina. 29 Kumbe munhu a nga nghenisa ku yini endlwini ya nhenha ya matimba a phangha xuma xa yona, loko a nga sungulanga hi ku boha nhenha yoleyo ke? Hi kona a nga ta phangha yindlu ya yena.**

**VaEfesa 1:13 A swi ri tano na n'wina vamatiko, loko mi twile Rito ra ntiyiso, ma nga Mahungu Lamanene ya ku ponisiwa ka n'wina: Mi pfumerile eka Kriste, kutani Xikwembu xi mi funghile hi Moya lowo Kwetsima lowu a xi tshembisile ku mi nyika wona.**

**Mintirho 19:6 Pawulo a va tlhandleka mavoko, kutani Moya lowo Kwetsima wu ta ehenhla ka vona; va vulavula hi tindzimi tin'wana, va ri karhi va twarisa Rito.**

**Marka 16:15-18 Kutani a ku ka vona: “Yanani emisaveni hinkwayo, mi ya twarisa Evhangeli eka swivumbiwa hinkwaswo. 16 La nga ta pfumela, a vuya a khuvuriwa, ú ta ponisiwa; kambe la nga pfumeriki, ú ta avanyisiwa. 17 Mahlori lama nga ta endlifa hi lava pfumelaka hi lawa: Hi vito ra mina va ta hlongola mademona; va ta vulavula tindzimi letintshwa; 18 va ta khoma tinyoka hi mavoko; kutani hambi va nga nwa leswi dlayaka, swi nga ka swi nga va endli nchumu; va ta tlhandleka mavoko ehenhla ka lava vabyaka, va va hanyisa.”**

**1 Yohane 1:9 Kambe loko hi tivula swidyo ho swa hina, Xikwembu xa tshembeka, xi avanyisa hi ku lulama, kutani xi ta hi rivalela**

**swidyoho swa hina, xi hi hlantswa xi susa ku homboloka ka hina hinkwako.**

**Eskoda 20:5 u nga tshuki u swi nkhinsamela, kumbe ku swi tirhela, hikuva mina HOSI Xikwembu xa wena, ndzi Xikwembu xa rilaveta: Ndzi ba lava va ndzi vengaka kun'we ni vana va vona, ku fika eka rixaka ra vona ra vunharhu ni ra vumune.**

**Tipisalema 109:17 A a swi tsakela ku rhukana van'wana. Sweswi a ku rhukanewe yena! A a nga naveleli van'wana minkateko. Sweswi a yi ve kule na yena!**

**Vaavanyisi 16:16 Delila a sindzisa Samsoni siku rin'wana ni rin'wana, a n'wi heta matimba hi marito ya yena, a nga ha koti ku tiyisela.**

**VaEfesa 4:26 Loko mi tshuka mi hlundzuka, mi nga weli eku dyoheni; dyambu ri nga tshuki ri pela ma ha hlundzukile,**

**VaRhoma 14:12 Hi mukhuva wolowo, un'wana ni un'wana wa hina ú ta tihlamulela hi yexe emahlweni ka Xikwembu.**

**1 Yohane 2:23 Loyi a landzulaka N'wana, na yena Tatana a nga kona eka yena. Loyi a nkhensaka N'wana, hambi a ri Tatana ú kona eka yena.**

**Yohane 14:6 Yesu a ku ka yena: "Hi mina ndlela, ni ntiyiso, ni vutomi; a ku na munhu loyi a taka eka Tatana, loko ku nga ri ha mina.**

**Matewu 11:28-30 "Tanani ka mina, n'wina hinkwenu lava karheleke, ni lava tikeriwaka, ndzi ta mi wisisa. 29 Rhwalani joko ra mina, mi dyondza ka mina, hikuva ndzi ni mbilu yo rhula ni ya tintswalo; kutani mimoya ya n'wina yi ta kuma ku wisa; 30 hikuva joko ra mina ra olova, ni ndzhwalo wa mina wa vevuka."**

**2 VaKorinto 6:2 Hikuva Xikwembu xi te: "Ndzi ku yingisile enkarhini wa mina wa ku tsetselela, esikwini ra mina ra ku ponisa, ndzi ku lamulerile." Vonani, nkarhi lowunene wa ku tsetseleriwa wu fikile, namuntlha hi rona siku ra ku ponisiwa.**

**VaRhoma 10:13 Hikuva, "un'wana ni un'wana la khongelaka vito ra Hosi, ú ta ponisiwa."**